



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Cura Salvtis, Sivæ De Statu Vitæ Mature ac Prudenter  
Deliberandi Methodus**

**Hevenesi, Gábor**

**Coloniae, 1716**

**VD18 13912755**

Tentationes contrà vocationem ad Religionem.

[urn:nbn:de:hbz:466:1-50144](#)

rationes oppone objectionibus, calumnias cum demissione excipe; alicrum intercessione conare eos flectere. Optimum hic medium fervor est, & constantia; hac enim vis à facillimè flectuntur parentes, imò sæpe ideo repugnant, ut fervorem tuum experiantur, & videant, an veram vocationem habeas? quòd tu facile ostendes, rerum temporalium, gaudiorum, epularum, pecuniae, quam offerunt, contemptu.

10. Parata habe, quæ objectionibus reponas, si v. g. dicat Pater: durum sibi esse filio privari. DEUS dedit Filium Unigenitum pro nobis, & quidem ad mortem tam acerbam. 2. Si imperator filium vocaret ad suum obsequium, nunquid eo parens privari vellet, cur in DEUM sit minus humanus? 3. Filius magis est DEI, quàm Parentis? quid si filius globo, aut alio casu moreretur? Quid si DEUS & Patrem & Filium puniat?

### Tentationes contrā vocationem ad Religionem.

*Timeo, quod non perseverabo.*

1. **V**Anus iste timor est, nunquam à DEO separaberis per regressum, nisi

nisi tu ipse volueris; DEUS nullum deserit, nisi à quo prius deseritur; quid times id, quod in tua est potestate?

2. Si multi non perseverarunt, certè longe & incomparabiliter plures perseverarunt, cur timeam potius paucorum, quam plurium amplectar exemplum.

3. Qui dedit velle, dabit & perficere, DEUS non est author operis imperfecti. Facienti, quod est in se, DEUS non denegabit gratiam.

4. Potuerunt hi & hæ, qui te fuerunt minus apti, qui que minus deliberarunt, nec tam claris indiciis à DEO vocati fuerunt, cur tu non possis?

5. Licet alicui mercatura non bene cesserit, licet in officio aliquis damnum passus fuerit, nemo prudens officium negligit, aut ad mercaturam vocatus eam horret. Cur tu Religionem, quæ paucis non bene cessit, adire timeas?

6. Pusillanimitas, imò imprudens ille metus est, qui nullam certam causam habet, sed solum innititur fortuito eventui, qui fortè accidere posset. Hic metus si deberet aliquem ab operando retardare, nihil unquam ageremus, quia cuilibet rei fortè potest aliquod periculum

Ium subesse. Nullum deberemus statum amplecti, quia nullus est status, qui non aliquibus malè cesserit.

7. Dic proinde : In te Domine speravi, non confundar in æternum. Projice te in sinum Providentiae DEI. Optimus ille est ; nisi sciret tibi expedire hanc vocationem, non illam tibi dedisset. Illius nutum sequere, non errabis. Fiat voluntas tua.

Sufficit mundum affectu relinquare.

1. **U**T in rebus aliis, sic in salutis negotio, si sapis, id, quod securius est, eliges. Esto fluvium transnatare forte posses, mavis navi trajicere, quia non vis vitam temporalem periculo expondere; & cur velis æternam?

2. Deserere opes affectu, & non re, vix est possibile; eò ipsò, quòd te resolvere non possis ad eas re deserendas, sati ostendis, quanto in eas affectu duaris. Idem tibi esto judicium de honoribus & voluptatibus.

3. DEUS tibi vocationem ingerendo, voluit à te non solum affectu, sed re ipsâ mundum, & omnia, quæ in eo sunt, de-